



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacri sacerdotij defensio co[n]tra Lutheru[m]

Fisher, John

Coloniæ, 1525

VD16 F 1240

XIII Quemadmodu[m] igitur in humano corpore membra quae magis
egregia sunt, uiribus potioribus decorantur ...

urn:nbn:de:hbz:466:1-30878

CONGRESSVS SECVNDVS

rat, plebē uero terris, Cœli (inquit) enarrant gloriā dei. Nā ut cœli discurrentes lucent, calefaciunt, humectant, uiuificant, tonantq; & choruscant, sic apostoli cæteriꝫ ministri per uniuersum orbem haud dissimilibus ministeriis spiritualiter usi sunt. Lucent enim uita, calefaciunt ardore charitatis, humectant saluberrimis cōsiliis, ingentibus promissis uiuificant, tonant minis, miraculis choruscant, ut nō immerito de eis in eodē psalmo Dauid dixerit. In omnē terrā exiuit sonus eorū. Et quoniam ecclesia semper una manet & integra, neq; minus iam eiusmodi ministris egeat, q̄ apostolorum temporibus, iccirco nunc idētidem est necessarium, ut hi qui uices apostolorum supplent, dotibus ad ministerium suum accommodis pariter exornentur.

XII ¶ Adde, q̄ in humano corpore, quod & maioris mundi ordinem imitat, membra illa sensoria, quæ ad totius corporis utilitatē donata sunt, maiori uirtute pollere conspiciamus, q̄ cætera. Sed & inter illa, quo sublimiora quæq; fuerint, eo quoque fieri præstantiora. Nam tangendi organum quod uilius est & crassioris substantiæ q̄ cætera, nempe q̄ terræ respondeat, nō nisi quæ proxima sunt discernit. Gustandi uero organum, ut aliquanto excelsius, ita & subtilius est (nam subtilitatem aquæ refert) etiam quæ aliquanto remotius posita sunt diiudicat. Olfaciendi quoq; sensoriū, q̄ illis adhuc sublimius ac sit sereneius, quippe quod nebulæ referat tenuitatem, igitur ad longe maius interuallum, suum dinoscendi iudicium porrigit. Audiendi præterea & illis præstantius est & purius. Nam & aeris puritatem atq; subtilitatem repræsentat, quo fit ut multo ampliorem distantiam sensile suum depræhendat. Deniq; uidendi organum ut est præ cæteris excelsiori loco positū, ita & maiori uirtute præditum est, syderūq; decorem imitatur. Nā & intus habet nonnihil fulgidum, & insuper ad amplissimū interuallum uisibilia percipit.

XIII ¶ Quemadmodū igitur in humano corpore membra quæ magis egregia sunt, uiribus potioribus decorantur, ita similiter & in ecclesiæ corpore par est, ut ea membra quæ cæteris præ sunt, copiosioribus a deo gratiæ donis perfundantur. De

Sensuum
discrimen

qua re fusius in axioma proximo dicturi sumus

¶ Sed ut ad scripturarū exempla tandem ueniamus. Mo^s XIII
 ses quū nimia pressus cura prope sub ipso onere deficeret, nec
 sufficeret ad tanti populi gubernationē, iussit illi deus dicens. ^{Moses consti-}
 Congrega mihi septuaginta uiros de senioribus Israel, quos ^{tuit iudices.}
 tu nosti, q̄ senes populi sint ac magistri, Et duces eos ad ostiū ^{Numeri 11}
 um tabernaculi foederis, faciesq; ibi stare tecum, ut descēdam
 & loquar tibi, & auferā de spiritu tuo, tradamq; eis ut susten-
 tent tecū onus populi, & non tu solus graueris. Quod & fa-
 ctum est. Si ueteris igitur & iam antiquatæ synagogæ tātā
 curam gesserit deus, ut ipsius gubernatoribus huiusmodi gra-
 tiam contulerit, quāto magis id fieri cōgruit pro ecclesia, quæ
 ex multitudine gentiū collecta est, & Christi sanguine redē-
 pta, imo sponsa Christi iam effecta. Proculdubio quum ipsa ^{Christus præs-}
 nunc in huius mundi deserto peregrinat, neq; pauci pastores ^{fecit ecclesiæ}
 huic tantæ plebis gubernationi sufficiant, congruū est, ut in ^{prælatos.}
 plures ipsa curarum moles distribuatur, pariterq; dotes grati-
 arum ipsdē a diuino spiritu cumulatiū impertiant, quo pos-
 sent id muneris fructuosius exercere.

¶ Similiter & quū in deserto destinarit deus foederis taber XV
 naculum esse fabricandum, nec repertus esset quisq; peritus
 artifex, qui norit hoc ipsum fabrefacere, impleuit quendā no-
 mine Beseleel filium Huri spiritu dei, eundemq; locupletauit
 sapientia, intelligentia, & scientia, quo possit in quouis opere
 excogitare, quicquid fabrefieri debuit ex auro, argento, ære,
 marmore, gemmis, & diuersitate lignorum, cui & socium de-
 dit Ooliab filium Achisamech ut Exodi. 31. scribit. Hoc pro
 tabernaculo foederis iam abolito fecit deus, & pro C H R I
 S T I corporis mystici tabernaculo, quod iam indies ædifica-
 tur nullos magistros tanti operis curabit constituere, neq; cō-
 stitutos necessarijs gratiæ dotibus exornare studebit? Alie-
 num utiq; foret istud a beneficentia dei, qui quum aliquid o-
 peris meditatur, nunquam deficit in medijs, quæ pro fine o-
 peris consequendo necessaria sunt.

AXIOMA QVARTVM.